



Broj: 01-02-1-37990-2/25
Sarajevo, 28-11-2025

SKUPŠTINA KANTONA SARAJEVO
REISA DŽEMALUDINA ČAUŠEVIĆA 1,
71000 SARAJEVO

N/R ELVEDIN OKERIĆ, PREDSEDavajući SKUPŠTINE

Predmet: Odgovor na zastupničku inicijativu

Bosna i Hercegovina

- 1-12-2025

01 04 53704-14-45

Poštovani,

Vašim aktom 01-04-53704-14/25 od 14.11.2025. godine, dostavili ste nam zastupničku inicijativu zastupnice Fatime Gavrankapetanović-Selimbegović sa 26. radne sjednice Skupštine Kantona Sarajevo za osiguravanje privremenog finansiranja terapije lijekom sotatercept za pacijente sa plućnom arterijskom hipertencijom (PAH) u Kantonu Sarajevo.

Zavod zdravstvenog osiguranja Kantona Sarajevo u skladu sa raspoloživim finansijskim sredstvima finansira lijekove sa Liste lijekova Kantona Sarajevo, kao i lijekove iz ranije utvrđenih Protokola o finansiranju posebnih programa, a za šta se izdvaja značajan iznos iz prikupljenih sredstava koji je u 2025. godini utvrđen Finansijskim planom Zavoda i iznosi čak 127.419.000 KM, a što je, poređenja radi, dvostruko više nego prvi naredni kanton u FBiH (Tuzlanski sa cca. 60 miliona KM), kao i više nego cijela Republika Srpska (cca. 90 miliona KM). Pored toga, Vlada Kantona Sarajevo je na na 61. vanrednoj sjednici održanoj 26.09.2024. godine donijela Odluku o prioritetnom programu lijekova koji se koriste u terapiji kod onkoloških pacijenata na području Kantona Sarajevo, kojom se utvđuje mogućnost finansiranja onkoloških lijekova pacijentima koji su na listi čekanja Federalnog fonda solidarnosti. Članom 4. ove Odluke su utvrđena finansijska sredstva za ovu namjenu, pa je tako za 2025. godinu bilo neophodno obezbijediti dodatnih 25.000.000 KM iz ograničenih sredstava kojima Zavod raspolaže.

Obzirom da je lijek sotatercept (zaštićenog naziva Winrevair proizvođača MSD) koji je predmet ove inicijative u BiH registrovan tek 01.09.2025. godine, Agencija za lijekove i medicinska sredstva BiH nije još uvijek objavila maksimalne državne cijene za ovaj lijek, ali prema dostupnim podacima iz okruženja neto cijena ovog lijeka (bez PDV-a) iznosi od 6.500 EUR do 17.500 EUR po jednom pakovanju (u zavisnosti od njegove jačine). Ističemo da je prema SmPC-u za ovaj lijek utvrđeno da se lijek daje svake tri sedmice, te da preporučeno doziranje u zavisnosti od tjelesne težine svakog pacijenta (nerijetko je potrebna cijelo pakovanje za jedno apliciranje). Čak i unatoč činjenici da potencijalni broj pacijenata nije veliki, uzimajući u obzir moguće ukupne troškove, te postojeću finansijsku opterećenost, kao i stvarnu nadležnost ovog Zavoda, nismo u mogućnosti udovoljiti zahtjevu iz inicijative.

Naglašavamo da je u skladu u zakonskim i podzakonskim aktima koji su u primjeni u FBiH, kao i sa utvrđenom praksom liječenja pacijenata skupim lijekovima, upravo Zavod zdravstvenog osiguranja i reosiguranja FBiH odnosno Fond solidarnosti nadležan da nabavlja ovu vrstu lijekova za sve pacijente u FBiH, a ne direktno kantonalni fondovi.

Adresa: Ložionička br. 2, 71 000 Sarajevo

ID broj: 4200178560003, PDV broj: 200178560003, Broj upisa u sudski registar: 65-05-0051-12,
Depozitni račun broj: 154-921-2014617245, Glavni transakcijski račun broj: 154-921-20146171-48,

Transakcijski račun broj: 132-020-20293671-18

Transakcijski račun broj: 306-000-32712158-45

Tel. +387 33 72 52 00, +387 33 72 52 07, Fax +387 33 61 86 14

e- mail: info@kzzosa.ba kabinet@kzzosa.ba



Obzirom da Zavod zdravstvenog osiguranja Kantona Sarajevo uvijek podržava širenja prava i pružanje najbolje moguće zdravstvene zaštite svojim osiguranicima, u skladu sa svim naprijed navedenim razlozima i mogućnostima, predlažemo da se navedena inicijativa hitno uputi prema Zavodu zdravstvenog osiguranja i reosiguranja FBiH koji ima stvarnu nadležnost da nabavlja ovu vrstu lijekova za sve pacijente u FBiH.

S poštovanjem,



DIREKTOR



Dostaviti:

1. Naslovu;
2. Kabinet Direktora;
3. Služba za farmaceutske poslove;
4. a/a.